

**Nunatsinni ilinniartitaanikkut angusat pitsaassusaannik nalilersuisinnaasunillu, Ilinniartitaanikkut Pitsaassutsimik Angusanillu Naliliisartoqatigiinnik pilersitsinikkut pitsaaqutaasinnaasut aningaasartuutillu qanoq annertutiginnissaannik nalunaarusioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq, Kaali Olsen, Inuit Ataqtigiit)

### **Akissuteqaat**

(Ilinniartitaanermut Ilisimatusarnermut Nunanullu Avannarlernut suleqateqarnermut Naalakkersuisoq)

### **Siullermeerneqarnera**

Naalakkersuisut qujapput Inatsisartunut ilaasortamut, Kaali Olsenimut, Inuit Ataqtigiit-neersumut siunnersuuteqarmat Naalakkersuisut peqquneqassasut nalunaarusioqqullugit pitsaaqutaasinnaasut aningaasartuutillu ilinniartitaanikkut pitsassutsimik angusanillu naliliisartoqatigiinnik pilersitsinikkut Kalaallit Nunaanni ilinniartitaanikkut angusat pitsaassusaannik nalilersuissartussanik.

Naalakkersuisut isumaqarput naliliisarneq aamma angusanik naliliisarneq aamma ilinniartitaanerit pitsaassusaannik naliliinerit pisassasoq pineqartut tamaasa qanittumik suleqatigilluarnerisigut. Pitsaanerpaamik naliliissagaanni pisariaqarluinnarpoq ilinniartitaanerit ataasiakkaat angusassannik ersarilluinnartunik peqarnissaq. Anguniakkat qanoq anguneqassanersut assigiinngissinnaavoq piffimmiit piffimmut imaluunniit ilinniarnermiit ilinniarnermut allamut. Tassalu piffimmi pissutsit annertuumik nipilersoqataasarput.

Naalakkersuisut siunnersuutip anguniagai isumaqatigaat, kisianni kissaatigalugu Naalakkersuisut Ilinniartitaanermut Pilersaarutaat II-mut ilanngunneqarnissaat UPA 2013-imi saqqummiunneqartussamut. Taamaattumik Naalakkersuisut allannguutissamik imaattumik siunnersuuteqassapput: “Inatsisartut aalajangiiffigisassaattut siunnersuut Naalakkersuisut Ilinniartitaanermut Pilersaarutaat II-mi Ilinniartitaanikkut Pitsaassutsimik Angusanillu naliliisartoqatigiinnik pilersitsinikkut pitsaaqutaasinnaasut aningaasartuutillu nalilissagaat, naliliisartoqatigiillu nalilersortassagaat Kalaallit Nunaanni ilinniartitaanikkut angusarisat”.

Taamatut naatsumik oqaaseqarlunga Inatsisartut aalajangiiffigisassaattut siunnersuut akuersaartumik oqaaserineqarnissaa innersuuppara.